

Ministarstvo zdravstva Kantona Sarajevo (u daljem tekstu: Ministarstvo), kojeg zastupa Prof.dr.Haris Vranić,Ministar

Zavod zdravstvenog osiguranja Kantona Sarajevo (u daljem tekstu: Zavod), kojeg zastupa Sakib Katana dipl. oec., Direktor

Klinički centar Univerziteta u Sarajevu (u daljem tekstu: KCUS), kojeg zastupa prof.dr.Sebija Izetbegović, Generalna direktorica

JU Opća bolnica "Prim. dr. Abdulah Nakaš" (u daljem tekstu: Opća bolnica), koju zastupa Prof.dr. Ismet Gavrankapetanović, v.d. Direktor

JU Apoteke Sarajevo (u daljem tekstu: JUAS), koje zastupa mr.ph. MBA Nedim Hrelja, Generalni direktor

PZU Dina (u daljem tekstu: Apoteka Dina), koju zastupa mr.ph spec. Elvedina Kapetanović, Direktor

PZU Bardakčije (u daljem tekstu: Apoteka Bardakčije), koju zastupa mr.ph spec. Fatima Hadžihasanović-Kršo, Direktor

Zaključili su

PROTOKOL
o realizaciji programa obezbjeđenja enteralne prehrane za odrasle pacijente
za period 01.01.2021. – 31.03.2021. godine

Član 1.

Zavod zdravstvenog osiguranja Kantona Sarajevo će za osigurana lica (odrasle) na teret sredstava obaveznog zdravstvenog osiguranja obezbjeđiti slijedeću enteralnu prehranu:

Naziv proizvoda	VPC
Nutridrink a 200 ml	3,36
Nutrison standard a 500 ml	5,57
Nutrison energy a 500 ml	6,55
Fresubin Protein Energy Drink 200 ml	3,12
Nutrixa 200 ml	3,40
Nutribel 200 ml	3,10
Fresubin Energy Drink 200 ml	2,48
Fresubin Energy Fibre Neutral 500 ml	6,38
Frebini Energy (fibre) 200 ml EB	2,92
Fresubin HP energy 500 ml	4,95
Fresubin Original 500 ml	4,43
Survimed OPD Vanilla 200 ml	3,93

Učešće Zavoda u utvrđenoj cijeni lijeka iznosi 100 %.



Navedene cijene se mogu smanjivati tokom trajanja protokola uslijed izmjene maksimalnih državnih cijena, odobrenja predstavnika proizvođača ili po drugom osnovu, a o čemu će Zavod obavijestiti apoteke.

Zavod će za pacijente uključene u ovaj protokol, obezbijediti maksimalno mjesečnu količinu do 90 komada za preparate od 200 ml ili do 45 komada za preparate od 500 ml.

Član 2.

Da bi se osiguranik uključio u Protokol, u momentu uključanja u Protokol mora imati kontinuiranu prijavu na obavezno zdravstveno osiguranje u Kantonu Sarajevo u trajanju od najmanje 5 godina (navedeni uslov provjerava Zavod).

Smatrat će se da je osiguranik osiguran u kontinuitetu ukoliko u posmatranom periodu nije imao jedan ili više prekida osiguranja u ukupnom trajanju dužem od šest mjeseci.

Osiguranici koji su uključeni u ovaj program na osnovu ranijih Protokola, ne odnosi se odredba obaveznog trajanja osiguranja iz stava 1.

Član 3.

Indikacije za propisivanje enteralne prehrane iz člana 1. za odrasle su:

- postavljena perkutana endoskopska gastrostoma - PEG ili postavljena nazoenteralna sonda
- upalne bolesti crijeva (ulcerozni kolitis i Crohnova bolest) - aktivna bolest
- fistule probavne cijevi
- razvijena tumorska kaheksija koja vitalno ugrožava pacijenta
- sindrom kratkog crijeva

Osiguranicima koji se nalaze na bolničkom liječenju, a tokom bolničkog liječenja su im potrebni preparati iz člana 1. ovog protokola, isti će obezbijediti na teret sredstava zdravstvene ustanove u kojoj se liječe, a ne putem ovog protokola na teret Zavoda.

Član 4.

Ovlašteni ljekar za propisivanje lijekova iz člana 1. prema indikacijama iz člana 3. su:

- Ljekari sa Klinike za gastroenterohepatologiju KCUS:
 - Prim. dr. sci. Amra Puhalović
 - Dr. Sanjin Glavaš
- Najviše 3 ljekara gastroenterohepatologa koje odredi Opća bolnica

Zavod, KCUS i Opća bolnica mogu u toku trajanja ovog Protokola izvršiti izmjene i dopune ovlaštenih ljekara propisivača o čemu je dužan odmah obavijestiti ostale potpisnike Protokola.

Navedeni ljekari su dužni voditi računa o racionalnom trošenju sredstava koji se izdvajaju za nabavku enteralne prehrane po ovom Protokolu.



Član 5.

Propisivanje preparata iz ovog protokola će se vršiti putem elektronskih recepata (eRecept i eTerpija).

Zavod će obezbijediti pristup integralnom informacionom sistemu i omogućiti propisivanje elektronskih recepata kroz aplikaciju, te osigurati edukaciju i podršku u radu propisivačima prilikom rada u integralnom informacionom sistemu.

Član 6.

Propisane recepte osiguranici će moći realizovati u slijedećim apotekama:

- *JUAS – Apoteka Mejtaš, ulica Čekaluša broj 29*
- *Apoteka Dina, ulica Bulevar Meše Selimovića bb*
- *Apoteka Bardakčije, ulica Bardakčije broj 18*

Navedene apoteke se obavezuju da će obezbijediti navedene proizvode za enteralnu prehranu u potrebnim količinama i iste fakturisati Zavodu, po cijenama i načinu utvrđenim članom 1. ovog Protokola.

Član 7.

Saglasnost za uvođenje u Protokol osiguranicima daje Zavod, po pismenom zahtjevu KCUS i Opće bolnice, a na osnovu prijedloga Klinike za gastroenterologiju i pripadajućeg odjela Opće bolnice, uz uslov ispunjenja indikacija iz člana 3. ovog Protokola i dostavljene medicinske dokumentacije, a u zavisnosti od finansijskih mogućnosti.

Član 8.

Nadzor na racionalnom i opravdanom propisivanju i izdavanju lijekova koji se finansiraju po osnovu ovog Protokola će vršiti ovlašteni ljekari kontrolori Zavoda.

Ukoliko u toku realizacije ovog Protokola dođe do značajnog povećanja troškova ili drugih promjena koje mogu uticati na poslovanje Zavoda, Zavod može obustaviti daljnje finansiranje enteralne prehrane koji se obezbjeđuju po osnovu ovog Protokola.

Član 9.

Na osnovu Odluke Upravnog odbora Zavoda o privremenom finansiranju, ovaj protokol se zaključuje na period od 01.01.2021. do 31.03.2021. godine.

Član 10.

Zavod zadržava pravo izmjene cijena u toku trajanja Protokola, o čemu će obavijestiti ugovorne apoteke.


Zavod je ovlašten da vrši tehničke ispravke i dopune u Protokolu, te da o učinjenim ispravkama obavijesti ostale potpisnike.

Član 11.

Ovaj Protokol sačinjen je u sedam (7) istovjetnih primjeraka od kojih svaki potpisnik zadržava po jedan (1) primjerak.

Sarajevo, 07.01.2021.godine

Ministarstvo zdravstva Kantona Sarajevo



 Haris Vranić No-33-702/21

Zavod zdravstvenog osiguranja Kantona Sarajevo

 Sakib Katana dipl. oec.

Klinički centar Univerziteta Sarajeva

 Prof. dr. Sebića Izet Begović

JU Opća bolnica "Prim. dr. Abdurahman Nakaš"

 Prof. dr. Ismet Gavran Kapetanović

JU Apoteka Sarajevo

 mr.ph. M. ...

PZU Dina

 mr.ph. ... Kapetanović

PZU Bardakčije

 mr.ph. ... Hatima Hadžihasanović-Kršo